

Na raport zbog uznemiravanja

Do kraja naredne godine u svim državnim institucijama i agencijama bit će imenovani novi savjetnici za sve one koje kolege seksualno uznemiravaju

Piše: **ALMIR ŠARENKAPA**

Mediji u BiH su nedavno prenijeli ispovijest sekretarke Kantonalnog suda u Sarajevu Enise Pazalje, koja je bila žrtva seksualnog uznemiravanja. Ona se, prema svojim tvrdnjama, našla "na udaru" svog pretpostavljenog, predsjednika Kantonalnog suda Vladimira Špoljarića.

Odluka VMBiH

"Volim te!", "Želim da brinem o tebi!", "Hvala ti što postoji!", samo su neke od poruka koje je verbalno ili putem SMS poruka Špoljarić uputio svojoj podređenoj, iako mu je ona jasno stavila do znanja da takvo njegovo ponašanje za nju nije prihvatljivo. Šolje s njenim likom i poruke na ceduljicama samo su neke od poruka iz ovog "arsenala". Kada je otvoreno odbila ovakav način komunikacije, kako kaže, suočila se sa prijernjama predsjednika Suda.

- Ovdje će biti kako ja kažem, ja imam veze i u VSTV-u i u Tužilaštvu

Kantona Sarajevo i u MUP-u, ako me prijaviš, niko ti neće vjerovati, niko neće svjedočiti u tvoju korist, to se teško može dokazati, ja ću te uništiti, smijenićemo te, ostaviću te bez posla, izbacicu te sa suda, nećeš više ovdje raditi, zaprijetio joj je, prema njenoj prijavi, Špoljarić kada mu je postalo jasno da "nema prolaza".

Jedna od mogućnosti koja je Enisi Pazalji stajala na raspolaganju je

Ne mogu ja kao savjetnik ići od jedne osobe do druge i pitati ih pojedinačno da li su žrtve seksualnog uznemiravanja, kaže savjetnica iz Suda

da se obrati savjetniku za prevenciju seksualnog uznemiravanja. Naime, već neko vrijeme na svim sudovima imenovane su osobe koje obavljaju ovu dužnost. Radi se o osobama koje su već zaposlene na sudovima. Na Kantonalnom sudu u Sarajevu to je Sanela Kovač-Grabonjić.

- Voljela bih da sam za taj slučaj saznala prije medija. Tada bih nešto mogla i učiniti. Ne mogu ja kao savjetnik ići od jedne osobe do druge i pitati ih pojedinačno da li su žrtve seksualnog uznemiravanja, nego bi one trebale da se meni obrate za pomoć, kazala nam je u telefonskom razgovoru Kovač-Grabonjić.

Ona i drugi savjetnici za prevenciju seksualnog uznemiravanja na sudovima trebali bi uskoro da dobiju kolege po zvanju i u državnim institucijama. Naime, Vijeće ministara BiH je na posljednjoj telefonskoj sjednici donijelo odluku da do kraja 2020. godine budu imenovani ovi savjetnici u svim državnim institucijama. Kome će oni biti na usluzi, svojim pretpostavljenim ili uposlenicima u tim institucijama, pitali smo Samru Filipović-Hadžiabdić, direktoricu Agencije za jednakost spolova BiH, koja je pripremila spomenutu odluku za usvajanje.

- To bi bile osobe kojima bi se raportiralo seksualno uznemiravanje. One bi, nadalje, savjetovale osobe koje su doživjele seksualno uznemiravanje, koji je dalji put i koje su dalje aktivnosti koje se mogu poduzeti, kazala nam je Filipović-Hadžiabdić.

Prema njenim riječima, svi savjetnici u državnim institucijama trebali bi biti imenovani do kraja naredne godine, a do tada će proći obuka za djelovanje u slučajevima seksualnog uznemiravanja. Ovi savjetnici će biti imenovani među već uposlenim službenicima državnih institucija, koje su do sada blisko saradiva-

le sa Agencijom za ravnopravnost spolova BiH na pitanjima rodne ravnopravnosti, tako da već posjeduju određena znanja u vezi sa prevencijom diskriminacije.

Direktorica Agencije je napomenula i kako su u toku pripreme ove odluke, ali i drugih propisa iz ove oblasti kao vodič korištene odgovarajuće direktive EU. Naime, BiH ima obavezu da u institucijama vlasti i javnoj upravi stvori uslove u kojima će postojati nulta tolerancija prema seksualnom uznemiravanju.

gim oblicima diskriminacije i uznemiravanja, među kojima je najučestaliji mobing.

- Izdvajanje jednog oblika diskriminacije, pa makar to bilo i seksualno uznemiravanje, bez davanja jednake pažnje drugim oblicima diskriminacije i gradnje sistemskog rješenja, dugoročno neće dati rezultate, tvrdi Džumhur.

Različite osobe drugačije reaguju na iste pojave. Zbog toga se i postavlja pitanje gdje je granica od koje počinje seksualno uznemiravanje. Da li se



Jasminka Džumhur: Bez dugoročnih rezultata / ANADOLIA

U toku pripreme odluke, ali i drugih propisa iz ove oblasti, kao vodič su korištene odgovarajuće direktive EU

Međutim, Jasminka Džumhur, ombudsmen BiH, smatra da su i državni ombudsmeni trebali biti konsultovani prilikom pripreme ove odluke, s obzirom na njihov mandat borbe protiv svih oblika diskriminacije. Također, napominje kako bi se u javnoj administraciji trebali stvoriti uslovi nulte tolerancije i prema dru-

pod tim podrazumijeva upućivanje eksplicitnih poruka, fizički kontakt ili se u to ubrajaju čak i vulgarni vicevi?

Gdje je granica?

- Seksualno ponašanje mora biti neželjeno. Onog momenta kada vi stavite do znanja nekoj osobi da vas uznemirava ili postupcima ili verbalno, od tog momenta možemo reći da ta osoba čini seksualno uznemiravanje nad drugom osobom, pojasnila je Filipović-Hadžiabdić.

Kada budu imenovani ovi savjetnici, bit će zanimljivo pratiti da li će oni služiti za zataškavanje slučajeva seksualnog uznemiravanja ili će zaista imati ličnu i institucionalnu snagu da se bore protiv ovakvih slučajeva, bez obzira na to ko je počinitelj seksualnog uznemiravanja.



Samra Filipović-Hadžiabdić: Obuka prije imenovanja